

I HILA' NANA U SU'ON HIT MO'NA II

(KÁNTAN CHAMORITA)

BETSO 1

Desdiki mafañagu-ta
Guiya mo'na ma'estrâ-ta
Ya i sustânsian i fino'-ta
Umesgaihon lina'lâ'-ta

BETSO 2

Ai ya hâfa na minappot
Ti ha hulat nai pumula'
Yanggen tâya' siña umoppe
Faisen ha' yon li'e' sa' ha tungo' ha'

BETSO 3

Un manâda na metgrâsia
Tai ineteson na ânima
U taiguihi na ta tuna
Yan taiguenao ta abiba

BETSO 4

Ya i ânte'ti lago'-ña
Put i fehman mangastiga
Mama'chi'op guainaiya-ña
Chetton metton gi anti-ta

BETSO 5

Guiya i tronkon familia
Yan minetgot i hagâ'-ta
I fotsudu na sineyo'
Gi halom i kotturâ-ta

BETSO 6

I linachi ha dispensa
Ya i minakkat sa' ha kâtga
Solo guiya ta angokko
Todû i tiempo gui' ta båtga

BETSO 7

I kannai-ña hit muna'chocho
Konsuelu-ña muna'hâspok
I pagât-ña ni anti-ta
Muna'sugat ya ti u mâhlok

BETSO 8

Pues ta hasso gi che'cho'-ta
Tai hinekkok u ta onra
Ya ta hongge hila' nâna
Ayu u su'on hit mo'na 3x